



Naaja H. Nathanielsen
Inatsisartuni ilaasortaq, Inuit Ataqatigiit

Inatsisartut suleriaasianni § 37, imm. 1 naapertorlugu ikuallassaammik (svovl) aniatitsinermik killilersuinissamut, uuliamik kinertumik atuinnermut, imartani avatangiisit pillugit inatsisip iluarsaanneqarnissaanut aammalu gassinik silaannarmik kissatsitsisartunik aniatitsinermut tunngatillugu Naalakkersuisut nassuiaateqarnissaat pillugu apeqqutinik nassiuusaqarputit.

4. juni 2013
Sagsnr. 2013-084116
Dok. Nr. 1234280

Postboks 909
3900 Nuuk
Tlf. (+299) 34 50 00
Fax (+299) 32 52 86
E-mail: ipan@nanoq.gl
www.nanoq.gl

Apeqqutinnut qujanaq, taakkulu matuma kinguliani ataasiakkaarlugit akineqassapput:

- 1. UPA 2012-imi taamani Naalakkersuisuusut peqquneqarput umiarsuit Kalaallit Nunaata imartaata 3-sømiilinnut killeqarfiata iluani aniatitamik ikuallassaammik (svovl) ima akoqassusianik killiliisumik malittarisassaqaarnerisa pitsaaqutaannik pitsaanngequtaannillu nassuiaateqaqqullugit (UKA2012/59). Nassuiaatip taassuma inaarsarnissaa Naalakkersuisut suliarilersaarpat? Taamaappallu qaqugu tamanut saqqummiunnissaa ilimagineqarpa?**

Aap, suliaq Naalakkersuisut inaarsarniarpat. Akuutissat allat, soorlu pujoralaat, NO_x aamma CO₂ umiarsuit aniatitaanneersut nassuiaammut ilaatinneqartariaqartut paasinarsisimavoq. Taamaattumik taanna 2014-imut aningaasanut inatsimmut siunnersuusiordermi tulleriarinermut ilanngunneqassaaq. Nassuiaatip ukiumi tassani tamanut saqqummiunneqarnissaa naatsorsuutigineqarpoq.

- 2. Uuliamik kinertumik ikummatitut atuineq pillugu Naalakkersuisut avatangiisinut tunngasutigut piumasaqaatinik saqqummiussaqaalersaarpat?**

Imartani avatangiisinut inatsisip iluarsaanneqarneranut atatillugu uuliamik kinertumik atuinnermi avatangiisinut piumasaqaammik pilersitsinissaq pisariaqarnerisigut Naalakkersuisut naliliinarput. Angallatit maskiinallu, Kalaallit Nunaata imartaani kulbrintinik ujarlernerimut peqataasut atornerqartullu uuliamik kinertumik aammalu ikummatissanik ikuallassaatinik (svovl) akulinnik atuisut 1,5%-it sinnerlugit akulinnik atueqqusaannginnerannik piumasaqaammik aatsitassalerinnermi piumasaqaammik atuutsitsisoqalerpoq.

- 3. Imaani avatangiisit pillugit Inatsisartut peqqussutaat allanngortinniarlugu suli pilersaartoqarpa, soorlu Naalakkersuisut siulii taama pilersaaruteqartut?**

Aap.

4. Nalunaarusiamut 2012-ip naanerani atorunnaartumut taarsiullugu, gassit silaannarmut aniatitat silaannaap kissakkiartorneranut pissutaasut pillugit nutaamik nalunaarusiortoqassava?

Naalackersuisut naliliinerat malillugu nutaamik nalunaarusiornissaq pisariaqanngilaq, nalunaarusiaq pioreersoq sulii Kalaallit Nunaanni gassinik silaannarmik kissatsitsisartunik annikillisisiniarnermut sunniiniutinut takussutissiatut atorneqarsinnaasutut isigineqarmat.

Nalunaarusiami sunniiniutissanik misissueqqissaarnerit sulii Naalackersuisut annikillisisiniarlutik suliniuteqarnerannut tunuliaqutaapput.

Naalackersuisut gassinik silaannarmik kissatsitsisartunik aniatitsinermik ingerlaavartumik missiliuisarput, kiisalu FN-imi silap pissuaanut isumaqatigiissummut, gassinik silaannarmik kissatsitsisartunik immikkoortukkaarlugit nunakkaarlugillu nalunaarsuiffiusumut kisitsisitigut paasissutissanik nassiussisarlutik. 2013-ip aallartinneraniilli paamut pujoralannullu tunngasut aamma nunami naatsorsuutitut nalunaarsorneqartarput. Naatsorsukkat taakku sulii Naalackersuisoqarfiup sulinerani aqutsissutitut pingaarutilittut atuupput.

Inussiarnersumik inuulluaqqusillunga



Mette Lynge